

Gvangjsih Minzcuz Bau

广西民族报 aenhauh okbanj: CN45-0036 B.2021 Nd.8 Ng.25 liggaueq sincouj nienz ndwencaet cibbet

Baihguenjbanh:
Gvangjsih Bouxcuengh Swcigih
Minzcuz Cunghgyau Swvu
Veijyenzei
Biengauj okbanj:
Gvangjsih Minzcuz Bause
Geizsoq: Gungh daih 3488 geiz
Geiz neix 8 banj

Guengjsae Buedcienz Gyamaenh Vutgungz Saenqhwngh Lajmbanj 广西真金白银巩固脱贫振兴乡村

Daengz seizneix, gih raeuz gyoeb-suenq buedcienz 33 ik lai maenz (baugvat 13.65 ik maenz ngaenzcienz cunghyangh) ngaenzcienz senjdeuz ceihawj cunghab gajgwz lajmbanj bi 2021, caiq vih gyamaenh gya'gvangq gij cwngzgoj vutgungz gunggeng caeuq cienzmienh lajmbanj hwnghoengh "gyayouz".

Ciuq cam rox, buek cienz neix cujyau baugvat roek aen fuengmienh: It dwg ngaenzcienz hwnjguh gij saehnieb goeng'ik lajmbanj caizcwngh ciengibouj 19.42 ik maenz, haeujcoengh vunz-mbanj doenggvaq "it saeh it yaeng"

fuengsik, yungh couz cienz ok rengz guh giek hwnjguh hanghmoeg saehnieb goeng'ik lajmbanj ndaw mbanj rog ranz. Ngeih dwg ngaenzcienz hwnjguh gij sawqdiemj lajmbanj gyaendei 3.79 ik maenz, haeujcoengh daengx gih hanghmoeg lajmbanj gyaendei 82 aen, hanghmoeg sawqdiemj aenmbanj gyaendei saekhoengz 13 aen. Sam dwg ngaenzcienz hwnghat cizdij ginghei ndaw mbanj 7.21 ik maenz, haeujcoengh 1441 aen mbanj hwnghat guh hung cizdij ginghei ndaw mbanj. Seiq dwg ngaenzcienz bangbouj lajmbanj cunghab gajgwz sawqdiemj 0.5 ik

maenz, bi 2021 Guengjsae baez nduj ndaej aen sengj saedniemh lajmbanj cunghab gajgwz sawqdiemj daengx guk, baengh hwnjguh hanghmoeg sawqdiemj caeuq gaidap yinhhengz, coicaenh lajmbanj canjnieb hwnghat youh ndei youh vaiq, hwnjguh soqcih lajmbanj, coicaenh bouxguhnaiz laisou, gajndeih lajmbanj ceihleix, gaenx-maenx damqra cauhamoq doidoengh aen gihi caeuq vunqsik lajmbanj cienzmienh saenqhwngh. Haj dwg ngaenzcienz lajmbanj gunghgung fuzvu yinhhengz henhoih gihi sawqdiemj 0.8 ik maenz, haeujcoengh daengx gih 40

aen yienh si gih (baugvat swcigih 15 aen cin ginghei fatdad) haiguh lajmbanj gunghgung fuzvu yinhhengz henhoih gihi sawqdiemj. Roek dwg ngaenzcienz bangbouj nungzgwnj guekmiz nungzcangz banh sevei ciznwngh gajgwz 1.79 ik maenz, cunghyangh baez dog bangbouj hawj Guengjsae haiguh hong nungzgwnj guekmiz nungzcangz banh sevei ciznwngh gajgwz, haeujcoengh Guengjsae nungzgwnj cizdonz baihlaj 23 aen nungzcangz gunghshw yungh daeuj bangbouj gajcauh gung raemx, gung dienh.

(Veiz Giconh)

Yungzanh Gyavaiq Bouxcoz Nyezrauh Dwk Cimyawhfuengz

融安加快青少年接种疫苗

Ndwen 8 ngoenz 22, youq Yungzanh Yen dieg comz dwk cimyawhfuengz bingh sinhgvanh, boux canghyw ndeu cingq dwk cimyawhfuengz hawj bouxcoz nyezrauh. Mboengqneix, Yungzanh Yen vih bouxcoz nyezrauh (12-17 hopbi) hailaeb aen cueng cienmonz caeuq aen ci riuzdoengh dwk cimyawhfuengz, bang bouxcoz nyezrauh hab dwk cim yawhfuengz haenx dwk cim, baujmaenh wnggai dwk couh vaiq dwk.

(Danz Gajjinh)



Heiqcuengh Daihneix 《Suhgi Daih'it》 Yienh'ok Diuzroen Bangfuz Moq

现代壮剧《第一书记》再现扶贫之路

Ndwen 8 ngoenz 20 ban-haemh, langhbaij cozbij yisuz daizheiq maenhndei Guengjsae angqhoh Cungguk Gungcanjdangj laebbaenz 100 hopbi "ciengx-lwenx riengz dangj byaij" nem gajq daih cib'it Guengjsae langhbaij heiq hozdung heiqmoeg cam-yienj—Heiqcuengh daihneix 《Suhgi Daih'it》 youz Swcigih Dangjveij Senhconzbu, Swcigih Vwnzva Caeuq Lijyouz Dingh cawjbanh haenx youq Namzningz yienj.

Heiqcuengh 《Suhgi Daih'it》 youz Aen Heiqyienh Guengjsae cauhamoq yienjok. Bouh heiq neix yungh Swcigih Dangjveij senjbaij ganbu maenhndei daengz mbanj gungzhoj guh suhgi daih'it guh giek, lwnghangj gij gojgaeq hawj vunz gamjdoengh meh bozsw Liuz Yingz roengz daengz lajmbanj, roengzrengz gajgwz, ginggvaq haemzhoj, doeklaeng daiq vunzlai byaij ok diuz roen canjnieb banggungz ndaej laebdaeb hwnghat ndeu, langhbaij gij cingzaenz buekguh, cingzaenz guh ok gungcanjdangiyen zezdaih moq caeuq gij cingzcik ndei Guengjsae vutgungz gunggeng.

Vunz yiengh ndei, gojgaeq sengdoengh, miz daegsaek Mbanj-cuengh, bouh heiq neix daj dauj-yen, bienheiq, raizbuj daengz bouxyienj, cungj dwg bouxguhong vwnzyi bonjdieg Guengjsae, baujmaenh miz daegsaek Heiqcuengh doengzseiz, gyahaeuj gij yenzsu, seizhwngh yienjok cingzgaj naekna hawj engqlai vunz roxnaj gij simnaemj suhgi daih'it, hawj vunzlai gamjdoengh.

(Cinz Vwnz)

Cuengh Gun Song Vah-saw Hag Coenzgim

壮汉双语学金句

Cunghgoz Gungcanjdangj vihmaz ak, sevei cuji miz daegsaek Cunghgoz vihmaz ndei, gyoebgyonj daengzdaej dwg aenvih Majgwzsw Cuji baenz!

——Gij gangivah Siz Ginbingz youq Aen Hoih Angqhoh Cunghgoz Gungcanjdangj Laebbaenz 100 Hopbi

中国共产党为什么能,中国特色社会主义为什么好,归根到底是因为马克思主义行!

——习近平 2021年7月1日在庆祝中国共产党成立100周年大会上的讲话